

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-74/19**  
**Vareš, 27.03. 2019. godine**

Na osnovu člana 22. Statuta Općine Vareš - Prečišćeni tekst, broj: 01-162/12 od 11. 09. 2012. godine, a u vezi sa članom 95. Poslovnika o radu Općinskog vijeća Vareš (prečišćen tekst ), broj: 01-109/09 od 29.04.2009 godine i broj 01-16/12 od 30.01.2012 godine, na prijedlog Općinskog načelnika, Općinsko vijeće Vareš, na 25. sjednici održanoj 27.03. 2019. godine, d o n o s i

## **Z A K L J U Č A K**

### **I**

Općinsko vijeće Vareš, produžava period provođenja Strategije razvoja poljoprivredne proizvodnje na području općine Vareš za period 2014. – 2018. godine, broj: 01-349/13 od 23.12.2013 godine.

### **II**

Strategija iz tačke I ovog Zaključka u cijelosti će se provoditi i u periodu 2019-2024 godina.

### **III**

Informaciju o provođenju Strategije, Općinski načelnik će jedanput godišnje dostavljati Vijeću na razmatranje.

### **IV**

Ovaj Zaključak stupa na snagu danom donošenja i čini sastavni dio Strategije iz tačke I ovog zaključka od dana objavljivanja na oglasnoj tabli Općine Vareš.

**PREDSJEDAVAJUĆI**  
**OPĆINSKOG VIJEĆA**

**Adis Čizmo**

**adresa:** Zvijezda 34, 71330 Vareš  
**tel:** 00387 32 848 100  
**fax:** 00387 32 848 150

**depozitni broj:** 3380002210017420  
**web:** www.vares.info  
**e-mail:** vares@bih.net.ba



## **O b r a z l o ž e n j e**

U kontekstu opredjelenja za nastavak razvoja primarne poljoprivredne proizvodnje i prerade na općini Vareš postoje opravdani razlozi da se i dalje definišu strateški razvojni pravci u biljnoj i animalnoj proizvodnji. Razlozi za produženje „Strategije razvoja poljoprivredne proizvodnje na području općine Vareš za period 2019-2024 god. zasnivaju se na činjenici da su različite Projektne aktivnosti domaćih i međunarodnih organizacija upravo diktirane i vezane za nastavak implementacije ovakvog dokumenta.

Svrha produženja Strategije razvoja poljoprivredne proizvodnje na području općine Vareš do 2024 godine je da obezbijedi osnovni okvir za lokalnu – općinsku politiku poljoprivrednog razvoja, koja će biti koherentna sa principima razvoja na nivou F BiH i BiH u cjelini. Strategija je pripremana na bazi participativnog pristupa, kako bi se obezbijedilo da se njena implementacija reflektuje podjednako na potrebe ukupnog prostora općine Vareš. Strategije je koncipirana tako da obezbijedi preduslove za realizaciju prioriteta koji će se prvenstveno odnositi na stvaranje novih radnih mjesta na ukupnom području općine, održivi rast proizvodnje i prihoda, zaštitu biodiverziteta, kao i očuvanje kulturnog bogatstva i tradicije.

Za realizaciju i rješavanje pitanja definisanih ovim dokumentom finansijska sredstva će biti obezbijedena za svaku godinu u budžetu Općine Vareš.

**PREDLAGAČ:  
OPĆINSKI NAČELNIK**

**Zdravko Marošević**